

નૂહ અને તેના પરિવાર  
પૂર ને માગુન નવી  
શરવાત કડુલા લાગનાંત. થોડાક  
સમય માંજ તેના વંશ આખે દુનેમાં  
કેલાયજી ગેંત. આખે દુનેના  
દેશ નૂહ અને તેને પોસા  
માહુન બનના.

19

નૂહ અને મોઠા પૂર  
પરમેશ્વરને વચન, બાઇબલ માહુન ગોઠ,  
માહુન મીળી યેહે  
ઉત્પત્તિ ૬-૧૦

"તુમને શબ્દના મેળાપ (બોલુલા) ઉજેડ દેહે."  
ગીતશાસ્ત્ર ૧૧૯:૧૩૦



નૂહ અને મોઠા  
પૂર



લીખનાર Edward Hughes  
સાંગનાર Byron Unger; Lazarus

ભાષાંતર કરનાર Tumbda Prabhubhai Manakiyabhai  
અપનાવનાર M. Maillot; Tammy S.

૬૦ ની ૩ વાર્તા

M1914.org

Bible for Children, PO Box 3, Winnipeg MB R3C 2G1 Canada

લાયસન: જાંવ સુધી તુમી ઇકુલા ની માગા તાંવ સુધી તુમની સત્તા  
આહા કા તુમી યી વાર્તા છાપી અને નકલ કરી સકા.

પરમેશ્વર જાણહ કા આપલે ખરાબ કામ કેહેંત,  
જેલા તો પાપ સાંગહ. પાપના દંડ તો મરણ આહા.  
રમેશ્વર આપાવર ખુબ પ્રેમ કરહ તાહાં તેની તેના પોસા  
ઈસુ દવાડા જો કુડુસ વર આપલે દંડ માટે મરણ પામના.  
ઈસુ જીવતા આહા અને સરગમાં ચડી ગે. આતાં  
પરમેશ્વર આપલા પાપ માફ કરી દીલ.  
જો તુમી તુમને પાપ માહુન કિરુલા માગતાહાંસ ત દેવલા  
ઈસાં સાંગાં: વ્હાલા દેવ માં વિશ્વાસ કરાહાં કા ઈસુ માને માટે  
મરણ પામના અને આજી જીવતા આહા. ખરેખર માને જીવનમાં  
યે અને માના પાપ માફ કરી દે કા માલા નવાં જીવન મીળ  
અને તુને હારી અનંતજીવન સુધી રહાં. તુને માટે તુના પોસા  
જીસાં રહુલા મદદ કર. આમીન. યોહાન ૩:૧૬  
બાઇબલ વાંચા અને દેવ હારી દરરોજ ગોઠ લાવા!

કુકણા

Kukna

નૂહ દેવની આરાધના કર  
હતા. દુસરાં આખાં લોકાં  
દેવલા ધિકારત અને  
નિયમ ની પાળ હતાંત.



1

એક દિસ પરમેશ્વરની કાહી  
આઘાતજનક સાંગાં. "માં યે  
દુષ્ટ દુનેલા નાશ કરુલા આહાંવ,"  
નૂહ લા પરમેશ્વરની સાંગાં,  
"ફક્ત તુનાં પરિવાર જ બચીલ."




2



પરમેશ્વરની નુહ લા ચેતાવની દીદી કા મોઠા પૂર યીલ અન આખે દુનેલા ઢાંકી દીલ. "લાકડા ના એક વહાણ બનાવ, એક મોઠા હોડી કા જેમાં તુના પરિવાર અન ખુબ જાનવરા મહાયજત." ઈસાં નુહ લા હુકુમ દીદા. પરમેશ્વરની નુહ લા ચોકસાઈપૂર્વક આદેશ દીદા. નુહ ખુબ વ્યસ્ત હુયી ગે.

3



નુહ કાહા વહાણ બન વ તી સમજાવ હવા તાંહાં લોકાં કદાસ મજાક ઉડવુલા લાગના હવાંત. નુહ તરી બનવુલા


ચાલુજ રાખના. તો પરમેશ્વર વિષે પન સાન્ગુલા ચાલુ જ રાખના. કોની પન તેના ની આચકતી.

4




નુહ પાસી મોઠા વિશ્વાસ હતા. તેને પુડ પાની ની વરસીલ તરી તેની પરમેશ્વર દેવ વર ભરોસા થેવા. થોડાક સમય માંજ વહાણ આખાં સામાન ઉચલી લે ઈસાં તથેર હુયી ગે.

5



આતાં જાનવર આનાત. પરમેશ્વરની થોડેક પ્રજાતિ માહુન સાત અન દુસરે માહુન દોન સાહલા લી આના. મોઠા અન બારીકલા પક્ષી, ઊંચા અન નીચા ઢોરઢાંક વહાણ માં ચઢી ગેંત.

6



લોક કદાસ નુહ લા હોંસુલા લાગના હવાત જદવ આખાં વહાણ માં ચઢ હવાંત. તે લોક પરમેશ્વરને વિરુદ્ધ પાપ કરુલા બંદ ની કરનાત. તેહી વહાણ જાવલા વિશે પન ની સોદા.

7



છેલ્લે આખાં જાનવર અન પક્ષી વહાણ માં ભરાયજી ગેંત. "નુહ લા પરમેશ્વરની બોલવાં, તુમી અંદર ચીજા."

8



"તું અન તુમના પરિવાર." નુહ તેની બાયકો, તેના તીન પોસા અન તેહેને બાયકા વહાણ માં ચઢી ગેંત. માગુંન પરમેશ્વરની દાર બંદ કે!

9



તદવ વરસાદ વરસના. ચાલીસ દિસ અન ચાલીસ રાત સુધી ધોદમાર વરસાદની આખી પૃથ્વીલા ભરી (જળબંબાકાર) કરી ટાકા.

10




પૂર ના પાની આખે ગાંવમાં અન શહેરમાં ભરાયજી ગેંત. જદવ વરસાદ બંદ હયના તદવ, ડોંગરા પન પાનીમાં બુડેલે હતાંત. જે પન ધ્યાસ લે હતાંત તે આખાં મરી ગેંત.

11



જીસાં જીસાં પાની ભરાયના તીસાં તીસાં વહાણ પાની વર તરુલા લાગના. તેમાં કદાસ આંદારા હવાં, ઉછાળા માર હવાં, અન કદાસ બીહવાડ ઈસાં ભયાનક લાગ હવાં. પન જળપ્રલય માહુન નુહ લા પરમેશ્વરની બચવી લીદાં.

12



જળપ્રલય પાંચ મહિના માગુંન પરમેશ્વરની સૂકી હવા ના દવાડી. ધીરેથી વહાણ અરારાત ને ઊંચે ડોંગરાવર થીની થોબી ગે. પાની વસાં હુય તેની વાટ હેરતાં નુહ તેમાં આજુ દુસરા ચાલીસ દિસ રહના.

13



નુહ ની હાડગે અન કબૂતર લા વહાણ ને ઉગડેલ બારી માહુન દવાડાં. સુકાયજેલ જાગા ની સાપડીલ તાંહાં કબૂતર નુહ પાસા પાસા આના. એક અહવાડિયા માગુંન નુહની આજુ પ્રયાસ કે.

14




કબૂતર જેતૂન ના નવાં પાન તેને ટોડ (ચાંચ) માં લી આના. તેને આગલા અહવાડિયામાં નુહ લા ખબર પડની કા જમીન સૂકી હુયી ગય હવી કાહા કા કબૂતર પાસા ની ફિરના.

15



પરમેશ્વરની નુહ લા સાંગાં કા આતાં સમય થી ગેં કા તું વહાણ છોડી દે, તેના પરિવાર મીઠીની વહાણ લા જાનવર હારી ખાલી કરનાત.


16



નુહ કીસીક મહાનતા અનુભવ કરના હવા!

તેની એક પાયે બનવા અન પરમેશ્વરલા આરાધના હારી ધન્યવાદ દીના કાહા કા તેની તેહલા ભયાનક પૂર માહુન બચવી લીદાં.

17



પરમેશ્વરની નુહ લા અજાયબ વચન દીદાં. ફરીથી માં લોકાના પાપ માટે પૂર ની દવાડાં. દેવની તેની યાદગીરી માટે એક મોઠા ચિન્હ દીદાં.

પરમેશ્વરના ચિન્હ રૂપે તેની દેવધનુષ દાખવાં.

18